



PROCEDIMENTO DE ACTUACIÓN DA INSPECCIÓN DE SERVIZOS SANITARIOS PARA A VALORACIÓN DA INCAPACIDADE TEMPORAL DOS TRABALLADORES AUTÓNOMOS, SEN ASALARIADOS A CARGO, ESPECIALMENTE SENSIBLES Á COVID-19 (11/05/2020)

ORIXE: SECRETARÍA XERAL TÉCNICA.

ÁMBITO: SUBDIRECCIÓN XERAL DE INSPECCIÓN DE SERVIZOS SANITARIOS.

Esta instrución ten como obxecto regular o procedemento de actuación para a valoración da incapacidade temporal nos/as traballadores/as especialmente sensibles á Covid-19 pertencentes ao Réxime Especial de Autónomos que non teñan asalariados ao seu cargo.

O risco laboral, en circunstancias normais, é un risco determinado polas condicións de traballo e asociado ás tarefas que desenvolven os traballadores e é avaliado polo Servizo de Prevención de Risco Laborais. A pandemia do SARS-CoV-2 engade o risco de enfermarse no traballo polo contacto con este virus circulante, sexa directo con persoas enfermas (outros/as traballadores/as, clientes ou usuarios/as) ou ben indirecto (a través do contacto con fómite de enfermos da Covid-19 ou con superficies contaminadas por este coronavirus).

Unha das tarefas fundamentais dos Servizos de prevención de riscos laborais (SPRL) é a identificación dos/as traballadores/as especialmente sensibles (TES) en relación cun risco determinado, neste caso fronte á exposición ao SARS-CoV-2. O Ministerio de Sanidade elaborou un *“Procedemento de actuación para os Servizos de prevención de riscos laborais fronte á exposición ao SARS-Cov-2”*.

Porén, a Lei 31/1995 de Prevención de Riscos Laborais (LPRL) non inclúe, no seu ámbito xeral de aplicación, aos/as traballadores/as autónomos/as que non teñan asalariados ao seu cargo. Por iso, é necesario asumir a valoración deste colectivo no seu propio interese aos efectos de recoñecerlle o dereito á Incapacidade Temporal como traballador/a especialmente sensible á Covid-19, sendo de aplicación as instrucións do Ministerio de Sanidade recollidos no citado procedemento de actuación.

Para que sexa declarado como traballador/a especialmente sensible á Covid-19 con indicación de incapacidade temporal é necesario que se cumpran os seguintes criterios:

- 1.- Que forme parte dos grupos especialmente vulnerables á Covid-19.
- 2.- Que se trate dun/dunha traballador/a que ocupe un posto de traballo cuxa exposición sexa cualificada como de “exposición de risco” ou de “exposición de baixo risco”.





3.- Que as medidas preventivas adoptadas non garantan o control do risco.

4.- Que a valoración dun/dunha inspector/a médico de Servizos Sanitarios así o acredite.

Grupos vulnerables pola Covid-19

Podemos definir como persoas especialmente vulnerables ás que presentan factores de risco relacionados coa súa saúde que poden facer prever, con criterios epidemiolóxicos e clínicos, un incremento da probabilidade de desenvolver a Covid-19 se se expoñen ao SARS-CoV-2 ou ben de presentar unha evolución clínica desfavorable no caso de padecer a Covid-19.

Cando mencionamos aos grupos vulnerables pola Covid-19 referímonos á poboación xeral e non especificamente aos traballadores.

Os grupos con maior risco¹ para desenvolveren enfermidade grave pola Covid-19, definidos polo Ministerio de Sanidade, son as persoas que teñen as patoloxías e as condicións persoais definidas na seguinte táboa:

Táboa 1. Grupos vulnerables pola Covid-19

Enfermedades cardiovasculares e hipertensión arterial
Diabetes
Enfermedade pulmonar obstrutiva crónica
Inmunodepresión
Cancro
Embarazo
Máis de 60 anos

Orientación para a valoración do risco de que se produza un contaxio pola Covid-19 na contorna laboral

Co obxecto de facilitar a avaliación dos riscos detállanse na Táboa 2 os distintos escenarios de risco á Covid-19 na contorna laboral no desenvolvemento daquelas actividades produtivas que se manteñen no actual contexto do estado de alarma e na táboa 3 as medidas preventivas que deben adoptar os traballadores no desenvolvemento da súa actividade en función do grado de exposición.

1 "Información científica-técnica. Enfermidade por coronavirus, Covid -19". Ministerio de Sanidade. Actualización, 17 de abril de 2020.





Táboa 2 Exposición de risco na contorna laboral

EXPOSICIÓN DE RISCO (Situacións laborais nas que se pode producir un contacto estreito cun caso posible, probable ou confirmado da infección polo SARS-CoV-2 sintomático): - x Traballadores/as que traballan en contacto directo na atención, coidado e transporte de persoas enfermas (especialmente de persoas con patoloxía respiratoria). - x Situacións nas que non se pode evitar un contacto estreito no traballo cunha persoa sintomática.
EXPOSICIÓN DE BAIXO RISCO (Situacións laborais nas que a relación que se poda ter cun caso posible, probable ou confirmado non inclúe o contacto estreito) - x Traballadores/as que atendan directamente ao público, con posible contacto persoal. - x Traballadores/as da limpeza, desinfección e/ou recollida ou manipulación de residuos contaminados ou fómites de persoas falecidas ou infectadas.
BAIXA PROBABILIDADE DE EXPOSICIÓN (Situacións laborais con risco similar ao comunitario ou poboacional) - x Traballadores/as de todas as ocupacións non definidas como de exposición de risco e exposición de baixo risco. - x Inclúe aos traballadores/as sen atención directa ao público ou, se a teñen, prodúcese a máis de dous metros de distancia ou dispoñen de medidas de protección colectiva.

Clasifícase como contacto estreito:

- Calquera persoa que proporcionara coidados a un caso probable, posible ou confirmado mentres o caso presentara síntomas: traballadores sanitarios que non utilizaran medidas de protección adecuadas ou persoas que tiveran un contacto físico similar.
- Calquera persoa que estivera no mesmo lugar que un caso confirmado, probable ou posible mentres o caso presentaba síntomas a unha distancia menor a dous metros durante un tempo, polo menos, de 15 minutos.

Táboa 3 Medidas de protección en función do nivel de exposición

Exposición de risco	Exposición de baixo risco	Baixa probabilidade de exposición
En función da avaliación específica do risco de exposición de cada caso: compoñentes de EPI de protección biolóxica e, en certas circunstancias, de protección fronte a aerosois e fronte a salpicaduras	En función da avaliación específica do risco de cada caso: compoñentes de EPI de protección biolóxica	Non é necesario o uso de EPI. En certas situacións: x protección respiratoria x luvas de protección.

Procedemento de actuación para a xestión de vulnerabilidade: de aplicación aos Anexos IV e V do “Procedemento de actuación para os Servizos de prevención de riscos laborais fronte á exposición ao SARS-Cov-2, do Ministerio de Sanidade (incorporados nos Anexos VI e VII deste procedemento), actualizado a 30 de abril de 2020.





Solicitud e tramitación

1.1. As solicitudes poderán ser interpostas pola persoa interesada ou representante legal mediante a presentación da solicitude PR004A (<http://sede.xunta.gal/tramitar/PR004A>), de conformidade co disposto no artigo 14 da Lei 39/2015, do 1 de outubro, do Procedemento administrativo común das Administracións Públicas. Na solicitude xenérica PR004A especificarase no apartado “destinatario” á Xefatura Territorial da Consellería de Sanidade na provincia que corresponda.

A persoa interesada deberá acompañar coa solicitude o modelo de declaración responsable previsto no Anexo I e a documentación que estime oportuna para fundamentar a súa situación de risco.

1.2. As Xefaturas Territoriais da Consellería de Sanidade remitirán as solicitudes e documentación anexa ao correspondente Servizo Provincial de Inspección de Servizos Sanitarios a través do aplicativo REXEL.

1.3. Unha vez que os Servizos Provinciais de Inspección de Servizos Sanitarios reciban a solicitude e documentación anexa realizarán as seguintes actuacións:

1.3.1. Incluirana na carpeta compartida IT_COVID_TRAUNIP (ruta de acceso: \\assccfic02\ASSCCFIC02\PROCOM\IT_COVID_TRAUNIP).

1.3.2. Nomearán a un/unha inspector/a médico/a do seu servizo, preferiblemente da Unidade de Inspección e Control da Saúde Laboral, notificándolle por correo electrónico:

- A designación como instrutor/a.
- Número do expediente que se lle asigna.

1.4. O/a inspector/a médico nomeado/a co persoal de apoio de funcións administrativas que se designe levará a cabo as seguintes actuacións:

1.4.1. Poderá solicitar ao/á traballador/a a documentación complementaria que estime oportuna. Se non se achega a dita documentación entenderase desistido/a da súa petición de acordo co artigo 68.1 da Lei 39/2015, do 1 de outubro, do Procedemento administrativo común das administracións públicas.

1.4.2. Elaborará un informe xustificativo da vulnerabilidade individual, nivel de exposición e medidas preventivas que adoptou o profesional así como a procedencia ou non da emisión da baixa laboral polo médico de Atención Primaria.

1.4.3. Cumprimentará e asinará os modelos dos Anexos III, IV ou V.

1.4.4. Comunicará directamente ou a través do persoal administrativo designado ao efecto o resultado da avaliación ao médico de Atención Primaria a través do Xesit na pantalla “Datos do traballador”.

1.4.5. Comunicará ao interesado a decisión adoptada a través da aplicación e-Notifica.

1.4.6. Unha vez rematada a tramitación do procedemento incluirán na carpeta compartida IT_COVID_TRAUNIP a seguinte documentación:





- Documentación solicitada ao/á interesado/a.
- Modelos previstos nos Anexos III, IV ou V.
- Notificacións da valoración ao/à interesado/a e o/a médico/a de Atención Primaria.

1.5 A data do inicio da incapacidade temporal será a data da emisión do informe.

1.6 As solicitudes presentadas por calquera vía con anterioridade á publicación do presente procedemento serán resoltas conforme a estes criterios.

1.7 Esta instrución será de aplicación a todas as solicitudes presentadas ata a finalización da pandemia ou da circunstancia sanitaria que a motivou.

Santiago de Compostela

O secretario xeral técnico

Alberto Fuentes Losada





ANEXO I

DECLARACIÓN RESPONSABLE DA SITUACIÓN DE RISCO DOS TRABALLADORES AUTÓNOMOS SEN TRABALLADORES A CARGO ANTE A COVID-19 PARA A CONCESIÓN DA SITUACIÓN DE IT POR ESPECIAL SENSIBILIDADE.

1. Solicitante:

Nome:

Apelidos:

NIF:

Dirección:

Poboación:

Correo electrónico

Teléfono:

CNO

Actividade laboral que realiza

2. Representante legal:

Razón Social:

NIF:

Dirección:

Poboación:

Correo electrónico:

Teléfono:





3.- Debe responder ao seguinte cuestionario:

		SI	NON
1	A súa actividade laboral está suspendida por mor da declaración do estado de alarma?		
2	Ten asalariados ao seu cargo?		
3	Traballa con persoas enfermas (especialmente con enfermidades respiratorias)?		
4	Traballa con persoas (non enfermas)?		
5	Atende directamente ao público?		
6	Traballa na limpeza, desinfección e/ou na recollida ou manipulación de residuos contaminantes ou fómites de persoas enfermas ou infectadas?		
7	Outras actividades non contempladas nos puntos 3,4,5 ou 6:		

4. Grupo/s de Risco ao que pertence:

- | | |
|--|--|
| ☐ Máis de 60 anos | ☐ Enfermidades cardiovasculares e hipertensión arterial |
| ☐ Diabetes | ☐ Enfermidade pulmonar obstrutiva crónica |
| ☐ Cancro | ☐ Embarazo |
| ☐ Inmunodepresión | |

5.- Medidas preventivas que adoptou no desenvolvemento da súa actividade laboral para previr o contaxio do Covid-19.





Os datos sanitarios recollidos nesta declaración responsable serán obxecto de comprobación por parte do persoal de Inspección de Servizos Sanitarios.

Dá a súa conformidade á consulta

Sinatura

SINATURA

Lugar e data

de

do





ANEXO II

REQUISITOS DO CARPETA COMPARTIDA DAS SOLICITUDES DE RECOÑECIMENTO DA SITUACIÓN DE INCAPACIDADE TEMPORAL POR ESPECIAL SENSIBILIDADE Á COVID-19 DOS TRABALLADORES AUTÓNOMOS SEN ASALARIADOS AO CARGO.

1. Nome: IT COVID TRAUNIP.

2. Ubicación: SUBDIRECCIÓN XERAL DE INSPECCIÓN DE SERVIZOS SANITARIOS

- Ruta de acceso: [\\assccfic02\ASSCCFIC02\PROCOMIT_COVID_TRAUNIP](#)

3. Árbore de carpetas:

- Carpeta principal: IT COVID TRAUNIP.
- Carpetas secundarias:
 - ✓ IT covid traunip CORUÑA
 - ✓ IT covid traunip LUGO
 - ✓ IT covid traunip OURENSE
 - ✓ IT covid traunip PONTEVEDRA
- Carpetas de terceiro nivel: unha carpeta por cada unha dos expedientes que se tramiten. Estes expedientes denominaranse do seguinte xeito.
 - ✓ IT covid traunip CO xx/2020
 - ✓ IT covid traunip LU xx/2020
 - ✓ IT covid traunip OU xx/2020
 - ✓ IT covid traunip PO xx/2020

O/A Xefe/a de Servizo (ou persoal que designe ao efecto) indicará o número que se asigna a cada expediente (e a carpeta que o conteña) antes de designar ao inspector/a médico/a que o tramite.

4. Contido das carpetas dos/as inspectores/as médicos/as que conteña cada un dos expedientes:

- Solicitud PR004A
- Modelo incluído no Anexo I.
- Documentación incluída por el interesado.
- Documentación solicitada polo/a inspector/a médico que instrúe o procedemento.
- Modelos incluídos nos Anexos III, IV ou V, segundo o caso.
- Notificacións da valoración ao/á interesado/a e ao médico de Atención Primaria, de ser o caso.

5. Os documentos deben gardarse en formato PDF e contar coa correspondente sinatura electrónica.





6. En cada un dos Servizos Provinciais de Inspección de Servizos Sanitarios, encheranse os datos previstos na seguinte táboa.

Solicitante	NIF	N.º Exp.	Provincia	Data de entrada	Data de Resolución	Informe Fav/ Desfv

1. Nome: ESTADÍSTICA COVID TRAUNIP.

2. Ubicación: Carpeta compartida **ESTADÍSTICA_COVID_TRAUNIP**

3. Árbore de carpetas:

- Carpeta principal: ESTADÍSTICA COVID TRAUNIP.
- Carpetas secundarias:
 - ✓ Estadística covid traunip CORUÑA
 - ✓ Estadística covid traunip LUGO
 - ✓ Estadística covid traunip OURENSE
 - ✓ Estadística covid traunip PONTEVEDRA
 - ✓ Estadística covid traunip GALICIA

4. Contido das carpetas:

- Documento formato excell co mesmo nome da carpeta correspondente.





ANEXO III

MODELO DE INFORME DE VALORACIÓN DA INCAPACIDADE TEMPORAL AOS/ÁS TRABALLADORES/AS AUTÓNOMOS/AS SEN ASALARIADOS/AS AO SEU CARGO POR ESPECIAL SENSIBILIDADE Á COVID-19

O/a inspector/a médicoinforma de que
o/a traballador/a
con DNI.....cumpre / non cumple os requisitos para ser considerado
como traballador/a especialmente sensible en relación coa infección de coronavirus
SARS-CoV-2 debendo pasar á situación de incapacidade temporal (código: Z29.8)
dende a data...../ non procede baixa laboral.

lugar:

data:

sinatura:

MÉDICO DE ATENCIÓN PRIMARIA





ANEXO IV

MODELO DE INFORME DE VALORACIÓN DA INCAPACIDADE TEMPORAL AOS/ÁS TRABALLADORES/AS AUTÓNOMOS SEN ASALARIADOS AO SEU CARGO POR ESPECIAL SENSIBILIDADE Á COVID-19

O/a inspector/a médicoinforma
acon
DNI....., traballador/a autónomo/a unipersoal de que non
procede a emisión do parte de baixa por “especial sensibilidade” á Covid-19
por

Debe de adoptar, no seu lugar de traballo, as medidas de prevención recomendadas polo Ministerio de Traballo ou autoridade competente na materia.

Contra este acto poderá interpoñer reclamación previa á vía xudicial social, no prazo de 30 días hábiles seguintes ao da súa notificación, de conformidade co establecido no artigo 71 da Lei 36/2011, do 10 de outubro, reguladora da xurisdición social.

lugar:

data:

sinatura:

SOLICITANTE





ANEXO V

MODELO DE INFORME DE VALORACIÓN DA INCAPACIDADE TEMPORAL AOS/ÁS TRABALLADORES/AS AUTÓNOMOS SEN ASALARIADOS AO SEU CARGO POR ESPECIAL SENSIBILIDADE Á COVID-19

O/a inspector/a médico.....informa de
que.....
con DNI....., traballador/a autónomo/a unipersoal, debe pasar á situación
de incapacidade temporal dende o día.....por especial sensibilidade
á Covid-19.

Debe poñerse en contacto co médico de Atención Primaria para a tramitación da baixa
laboral.

lugar:

data:

sinatura:

SOLICITANTE



ANEXO VI

ANEXO IV: GUÍA DE ACTUACIÓN PARA LA GESTIÓN DE LA VULNERABILIDAD Y EL RIESGO EN EL ÁMBITO SANITARIO Y SOCIOSANITARIO

Grupos vulnerables	Patología controlada				Patología descompensada				Comorbilidad ≥ 2 aspectos			
Exposición laboral	NR1	NR2	NR3	NR4	NR1	NR2	NR3	NR4	NR1	NR2	NR3	NR4
Enfermedad cardiovascular/HTA	1	1	2	2	1	3	3	3	1	3	3	3
Diabetes	1	1	2	2	1	3	3	3	1	3	3	3
Enfermedad pulmonar crónica	1	1	2	2	1	3	3	3	1	3	3	3
Inmunodeficiencia	1	3	3	3	1	4	4	4	1	4	4	4
Cáncer en tratamiento activo	1	4	4	4	1	4	4	4	1	4	4	4
Mayores de 60 años	Sin patología				Patología controlada				Patología descompensada			
	1	1	2	2	1	3	3	3	1	4	4	4
Embarazo	Sin complicaciones ni comorbilidades				Con complicaciones o comorbilidades							
	1	3	3	3	1	4	4	4				

NR1 (Nivel de riesgo 1): Similar a riesgo comunitario. Tareas en áreas no COVID, tanto asistenciales como de soporte estratégico.

NR2 (Nivel de riesgo 2): Entrada en zonas COVID tareas con pacientes posibles, probables o confirmados, manteniendo la distancia de seguridad y sin actuación directa sobre paciente, por ejemplo, reparto de comida, limpieza, traslado de pacientes, etc.

NR3 (Nivel de riesgo 3): Entrada en zonas COVID con asistencia directa a pacientes o intervención directa con casos posibles probables o confirmados, con EPI adecuado y sin mantener la distancia de seguridad, incluida la movilización de pacientes y aseo.

NR4 (Nivel de riesgo 4): Profesionales, sanitarios o no sanitarios, que deben realizar maniobras generadoras de aerosoles (RCP, intubación, extubación, etc.).

1	No precisa ni adaptación ni cambio de puesto, permanece en su actividad laboral habitual.
2	Continuar actividad laboral. Puede realizar tareas con exposición a pacientes posibles, probables o confirmados por COVID 19, con EPIs adecuados. No puede realizar maniobras generadoras de aerosoles.
3	Continuar actividad laboral en zona NO COVID.
4	Precisa Cambio de Puesto de Trabajo y, de no ser posible, tramitar IT como Trabajador Especialmente Sensible o PREL.

IT: incapacidad temporal. PREL: prestación riesgo embarazo lactancia.



ANEXO VII
(Actualización 30/04/2020)

ANEXO V: GUÍA DE ACTUACIÓN PARA LA GESTIÓN DE LA VULNERABILIDAD Y EL RIESGO EN ÁMBITOS NO SANITARIOS O SOCIOSANITARIOS

Grupos vulnerables	Patología controlada				Patología descompensada				Comorbilidad ≥ 2 aspectos			
Exposición laboral	NR1	NR2	NR3	NR4	NR1	NR2	NR3	NR4	NR1	NR2	NR3	NR4
Enfermedad cardiovascular/HTA	1	1	2	2	1	3	3	3	1	3	3	3
Diabetes	1	1	2	2	1	3	3	3	1	3	3	3
Enfermedad pulmonar crónica	1	1	2	2	1	3	3	3	1	3	3	3
Inmunodeficiencia	1	3	3	3	1	4	4	4	1	4	4	4
Cáncer en tratamiento activo	1	4	4	4	1	4	4	4	1	4	4	4
Mayores de 60 años	Sin patología				Patología controlada				Patología descompensada			
	1	1	2	2	1	3	3	3	1	4	4	4
Embarazo	Sin complicaciones ni comorbilidades				Con complicaciones o comorbilidades							
	1	3	3	3	1	4	4	4				

NR1 (Nivel de riesgo 1): Similar a riesgo comunitario, trabajo sin contacto con personas sintomáticas.

NR2 (Nivel de riesgo 2): Trabajo con posibilidad de contacto con personas sintomáticas, manteniendo la distancia de seguridad y sin actuación directa sobre ellas.

NR3 (Nivel de riesgo 3): Asistencia o intervención directa sobre personas sintomáticas, con EPI adecuado y sin mantener la distancia de seguridad.

NR4 (Nivel de riesgo 4): Profesionales no sanitarios que deben realizar maniobras generadoras de aerosoles, como por ejemplo RCP.

1	No precisa ni adaptación ni cambio de puesto, permanece en su actividad laboral habitual.
2	Continuar actividad laboral. Puede realizar tareas con exposición a personas sintomáticas con EPIs adecuados.
3	Puede continuar actividad laboral sin contacto con personas sintomáticas. Si imposibilidad, tramitar PREL o IT como Trabajador Especialmente Sensible.
4	Precisa Cambio de Puesto de Trabajo y, de no ser posible, tramitar PREL o IT como Trabajador Especialmente Sensible.

I: incapacidad temporal. PREL: prestación riesgo embarazo lactancia.

